

青松沈氏大同世譜重修序

禮曰尊祖故敬宗敬宗故收族譜者收族之一事也惟我青松之沈爲世巨族世積厥德福祿延綿在國而三爲王后四尚公主在朝而十三相臣出焉若其道學忠節之士銀緋臺省之官接武前後不可殫記非祖先之積累啓我萬子孫則能如是乎嗚呼盛矣譜始於嘉靖乙巳再于壬戌三于戊寅四于己丑五于壬辰六于癸卯七于辛巳上下三百五十餘年之間凡七回矣先儒所謂家之信譜猶國之信史者於此可信也余嘗有意於修譜而今距辛巳四十年矣年代漸遠子孫益衆而不能續修於遠宗近族之系則幾何而不路人視哉辛巳之譜仁壽府尹公一派有異議不相合非收族之意也至是諸宗議定復合不亦幸乎三年王告訖合宗支七十餘派爲二十四冊吁其多矣迺告諸宗曰人有恒言曰同出於

一人之身身出於一人矣心獨非出於一人之心乎自一人之身而為千
百人之身自一人之心而為千百人之心形則異而心則同無乃萬殊而
一本者耶凡我同譜者無別貴賤無分遠近唯以 先祖之心為心則雖

千百世猶一心也尊祖敬宗之義其在斯乎其在斯乎余既忝有司今所
言則 先祖之心也可不勉乎哉遂書以為序歲庚申重陽後孫嘉善大
夫前內部協辦相翊謹序

青松沈氏大同世譜舊序

族之有譜古也周之宗法漢之世表是已惟我青松沈氏實三韓大姓也
自 文林郎至于 青城伯以下仍休儕美其流風遺澤奕世彌昌公侯
接踵貂蟬聯芳如木之根厚而枝茂如水之源深而流長豈特王謝之於
晉崔盧之於唐而止哉况如五出 國母爲世姪姒載誕 聖明繼繼承
承金枝毓慶玉葉敷祥不啻若瓜瓞之綿綿則此固曠古之所未嘗聞也
竊思夫有父子有兄弟爲叔姪爲堂從始親而終踈自近而漸遠同異姓
於是乎分焉此雖理勢之使然而其於隆殺之間不能無憾焉者如欲
其指點分明致余派於一瞭之中則莫若圖譜之爲切也今方伯沈公光
彥氏巡臨弊府招通源若曰吾門闡世闕不爲不盛而其於撰述家業蓋
闕如也吾先君有志未就而手草遺存思欲繼述焉慨念于懷久矣幸今

吾與子適會此道僚佐柳君泗亦為沈氏之表孫天其或者蓋亦有待於今日乎子其勉之遂以草譜與之於是詳究本支補闕證訛同姓則雖豈孽而不遺異姓則計世代而畧節似無餘蘊而然於 祖先之生某甲娶某氏歷仕高下享壽長短虛或泯沒而難尋故并附行狀碑銘於譜後以寓夫羹墻之思焉遂鳩工繡梓期永其傳嗚呼同是譜者咸知一本之萬殊千梢之一脉推源反本以擴親親之道則疇敢以服窮情盡而忽視如塗人也哉庶見人篤孝順之心士尚敦睦之行自身而家自家而國周禮大司徒賓興六行之教將復行於當世矣是亦裨補風化之一資云爾嘉靖乙巳季夏初吉後裔通訓大夫行順天都護府使順天鎮兵馬僉節制使兼監牧通源書于昇平館

青松之沈根厚流遠簪纓滿

朝俊彥輩出而

先世多故未暇及於族

譜叔父右相國公作宰順天沈參贊公按節是道相與協意修正開刊於同府印布中外至今同宗諸人咸知一氣之所分而思勉敦睦之風者未必非此譜爲之本也第刊行已久後枝斯繁多有增續之望而事煩未就適余來尹此府承叔父命取來板本蝨斯之最盛者別添一張而增廣之其或名下有餘地者粘付木尖而書刊只恨聞見不廣工役有程畧加添修未免有踈漏之歎然後嗣子孫亦豈無他日相繼而纂修者乎 先祖青城伯碑文始成於今日故與叔父忠惠公碑文吾先人碑文並錄于後以板本藏在順天地偏而人稀未易印出故移藏于此府庶幾欲見者之便於得印云時嘉靖四十一年壬戌十二月下澣後裔嘉善大夫全州府尹銓謹跋

惟我沈系粵自麗代勲勩著聞建本 朝傳德襲訓定繁以昌或毓慶沙

麓爲國姪或趾美槐棘贊治雍熙世代之祥德業之隆昭載國乘而譜牒之傳尚無成書豈非病歟歲嘉靖乙巳吾宗丈參贊胡安公按節湖南從祖父領樞公製錦昇平慨然于茲相與合謀乃因家乘查攷公譜肇成我沈氏族譜且錄先代碑文行狀於後刊印行世使覽之者足以興孝悌之心起敦睦之風二公之功不其韙歟年紀浸遠生息漸盛添錄增修在所當急而事功之成必得期會府尹公之續纂於完府亦豈偶哉余以無似襲先休躋顯仕常以德不類爲懼乃於丁丑秋祇荷寵命分憂南服道之珍原適參贊公表孫李君景溫爲邑宰青城伯之裔世居珍原者亦多其麗則斯譜之重修亦一天與之幾而不可失焉者也遂使李君掌其事書字董功之勞則委於諸子孫而後裔之爲守令於茲道者甚多咸出俸錢以助其費用不資公功易辦集我先祖嗣續之繁吾宗人追

遠之篤益可驗矣板本始藏於順天中秘於全州珍原之族合辭請曰茲
縣視順與全雖小吾儕之於是本也愛之若父母敬之若神明當以死守
之不亦愈於在彼乎余曰誠哉是言遂藏諸珍原噫斯譜也兩相創之於
前自乙巳十有八年壬戌府尹公續修於後至今十七稔而增續之舉又
值於余豈多于前功要以繼述為幸至若雲仍之盛爵位之崇彌遠彌彰
比前增光實源於祖先積善之慶忠孝之報吁其至哉繼今以往至于百
千萬年之未幾人能繼先志修是譜而不墮也哉聊以告吾宗之君
子於無窮云 皇明萬曆紀元之六年戊寅仲秋望後二日後孫嘉善大
夫全羅道觀察使兼兵馬水軍節度使青陽君義謙敬書于羅州錦城館
我沈之譜族高祖父議政公通源首刊於順天府其後觀察使公銓暨我
王考青陽君府君相繼增修板本在湖南值丁酉倭變而見失世遂無

其傳矣幸舍弟校理熙世性聰而聞博諸族譜牒亦皆詞得無遺欲著海東氏族之誌有志未就而早逝獨手正吾譜止王考行而止余常恐久而泯滅適宰榮川鉁之梓焉且先世碑誌固宜盡刊而文影力弱有未悉焉謹採國乘與碑誌錄其梗槩以附于卷首著吾先而不及傍親者以吾非作者也吾宗諸君子各欲著其先懿則盍於焉係之也歟己丑季冬上浣後孫通訓大夫行榮川郡守長世再拜謹書

惟我沈氏族譜始成於嘉靖乙巳乃左議政諱通源宰順天府所刊而板在本府矣越十八年壬戌我高祖考觀察使公爲完府府尹時仍舊譜添修移置譜板於完矣越十七年萬曆戊寅青陽君諱義謙按節湖南增補重刊藏諸珍原宗族所居之鄉其後珍縣革附長城譜板亦見失於兵燹矣越七十二年仁廟己丑諱長世之守榮川也以其弟校理諱熙世

所輯錄者復鋟梓于滎至今傳於世矣噫茲譜之相繼重修於百餘年之間使後代雲仍咸知一源之親者誠是吾宗之大幸而亦豈非吾先祖積德行孝之餘慶也第今年紀寢以子孫漸繁增續之不可已而曩歲宗兄權氏嘗用力於斯屬草藁未定而按湖臬將行謂余曰念昔君之高祖觀察公暨吾曾考先君既撰整宗譜到今繼述之責其不在於吾與君乎仍屬余以卒業余應曰敢不惟兄之命未幾權氏奄忽湖營余常傷悼歎惜之餘重感其所托之盛遂專心致意廣搜勤訪以至遠鄉踈派無不往復論辨孜孜數十年始克成書舊譜中內外子孫一體收錄者似欠區別之意今改舊譜止錄外孫并合新譜通作四卷且先代碑誌載諸舊譜者多而亦不及於徇親茲又採錄其可記者別爲一卷以備同宗後裔共誦先蹟而永壽其傳焉崇禎紀元後八十五年壬辰秋後孫嘉義大夫前

司憲府大司憲檀謹跋

惟我青松之沈舊有譜牒而年紀既久子姓寢繁後生末裔不知其爲某之先系某爲某之後派遂使一源之親漸若路人然續緝之舉實吾宗之急務也肆吾堂叔藥峰公以是爲己任裒集京外之私記考出世數之次序派分支別纂成一編於是乎某先之所自出某派之所由來一開卷而瞭然其有補於惇睦之道者豈曰淺淺哉然而私力不逮剞劂未易藏諸巾衍積有年所適余有興州之命到官之後首謀刊出迺縮廩損俸鳩材募工閱歲而告訖板凡二百十三葉凡四百二十六釐而爲四卷噫惟吾宗百年闕遺之事始成於公惟我公累歲經營之志終就于茲茲皆有待而然歟畧識其槩以跋于尾云歲癸巳二月下澣後孫通訓大夫順興都護府使得良再拜謹跋

我沈之譜初自嘉靖乙巳繼而增修者再而並軼不傳其後己丑之重刊
癸巳之添錄至今行于世而年紀寢邈雲仍益蕃是以續輯之議屢起而
屢寢迄無成書惟故參判基泰氏所輯丁未草考据甚精記載頗詳三從
兄能定氏又從而修潤之今所稱庚午本也編摩既就未克鋟梓東閣者
亦且數十年宗議之憂歎厥惟久矣歲壬辰春余按關西館將行三從侄
宜晉力主刊印之議與余意克合於是諸宗在相邑者各捐廩以相其費
余亦以千金畀之擇宗中之嫻於事者校讎訂正一以丁庚成規爲程續
而無添卷表旣定印以活字歷十有二歲而工乃告訖信乎修譜之爲難
而舊本凡四卷今焉七倍之後承之繁衍亦可謂盛矣噫是書之未遑者
百餘年經營者又幾人而始克成書於今日其亦有待而然歟因竊念系
世修牒者其文也尊祖敦宗者其實也苟不能致力於其本而徒尚其文

則於譜奚有哉自吾 祖先以來忠孝爲家法贊治 熙朝垂裕後昆茲
豈非百世子孫所可則倣者哉夫以尊祖之心推以敦其宗則是所謂上
治旁治也詩曰繼序思不忘禮曰溥之而橫乎四海施諸後世而無朝夕
凡吾同譜之人恪守成法惟忠孝是勉則譜之實庶乎其是在是矣歲癸卯
十二月下澣後孫崇政大夫判敦寧府事能岳謹序

我沈之譜初刊與繼修詳載於舊序及壬辰譜序壬譜至今傳于世者而
其序卽我 王考判敦寧公所撰也謹按序文曰系世修牒者其文也尊
祖敦宗者其實也嗚呼此豈非同譜諸族百世子孫所宜則倣而慥慥者
乎盖有族斯有譜然譜不繼修則族漏後裔矣壬辰之後年紀寢久雲仍
漸繁譜之重修是所急務然事鉅力綿尚稽未圖恒庸憂悶粵在癸酉諸
宗會議自京暨鄉修集系派立廳修譜判書仲氏與宗中可幹人校讎訂

正印以活字歷九年而工垂訖焉壬譜之二十七卷今當爲四十餘卷然
仁壽府尹公派分而成譜故爲三十一卷此蓋由府尹公之子孫特嫌卷
帙之浩大且慮鋟梓之遲延願爲派譜故不能合之然揆以宗誼實所缺
然耳譜成之日宗中諸君子以我有有司之名求序於余余雖無文畧記
其實仰體先訓之萬一焉

上之十八年辛巳六月上澣後孫資憲大夫廣州府留守兼南漢守禦使履

澤謹序

青松沈氏大同世譜卷之一

一世

沈洪孝 洪一云弘

表德生辛行蹟及配位姓氏並夫傳高麗文林郎衛尉寺丞墓在青松郡青松面德洞里普光山舊宅西五里府內面普光山戎龍宇生十五代孫恩輝以府使新備者爐石恩輝之子聖希以道伯改備床石聖希之姪公著守永川時改立表石

二世

子淵

表德生辛行蹟及配位姓氏並夫傳高麗開門侯墓在益山咸悅面南堂里南堂山舊成悅東十里東四面此山下道址洞三龍辰上下對洪武十年丁巳九月十二日英差差夫傳 肅宗乙未始年得仍舊改尋而基而考妣位無徵各設牲石及床石瘞墓純牲石底立新場於西基開碑文十三代孫監司仲良撰十五代孫正朔後書事實詳載於場文○山浦邑誌云公以麗朝開門侯侯出備本邑仍居石皆村紫烟洞脫名利終老林泉墓臺以望家師後人名之曰望京臺○按文獻備考道禮院條曰高麗置道禮門尋改開門置使副使祇侯林侯階從六品

三世

子龍

表德生辛行蹟並夫傳高麗典理正郎追封門下侍中有差府院君以子定安公晉也墓在安城郡北五里寶旺堂印龍印坐經龍夫傳 萬曆戊申九代孫領議政悅按本道時尋得而碑文十一代孫監司檢撰判中樞積書○李相國奎報文集有贈沈天曹九章詩允章志是公表德而地無可攷 洪武辛亥卒見定安公行狀墓司郡西南五里道基洞舊名龍里允龍西坐碑文楷撰祭判梓書○公之廟主親蓋而埋 仁順王后一日下 教于青陵府院君曰夢吾祖願勿祝登其喪承遷官其孫以祀之詳見碑文及海東名巨錄而其後埋安似在壬辰兵燹後○寶旺里今安城郡安城面堂里

四世

子德符

字得之

高麗忠肅王戊辰生甲申以門蔭始仕尹江華府治先儒教府有文翁之化麗朝庚申海寇先乍其能禦公征征之一舉殲盡恭讓元年參錄中興九功臣賜號忠勤亮節翊贊佐命拜壁上三韓三重次臣門下侍中青城那忠義伯戊辰以西京都元帥從 太祖感化之役士申追錄回軍功公居第一辭勳不受仍封青城伯甲戌城松都又作新邑于漢陽公嘗總治之 定宗元年特進輔國崇錄大夫拜職政府左政丞翌年以疾辭以青城伯就第 建文三年 太宗身已正月十四日甲戌年壽七十四 贈諡恭靖後以 定宗諡改定安德行勳業其載麗之本傳及 本朝名臣錄墓在連川峭山面峨岬里舊歲可郡西面長楊里良辰丑生神道碑五代孫石諫政通源撰六代孫府尹鈴書並奉行狀孫女婿小尹姜碩德撰○公會贈獨分或公石碑詩識其末曰清虛簡舍書蓋以清虛名其舍而因以自號歟又近世有號謙餘公號曰虛

五世

子仁鳳

子義龜

子繼年

子澄

子溫

子淙

子証

子証